



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Tribvs Dagobertis Francorvm Regibvs Diatriba
Godefridi Henschenii E Societate Iesv**

Henschenius, Godefridus

Antverpiae, 1655

I Pater Dagoberti III Childebertus Rex. Huius regnum annis XIII terminatum. Subrogatur Dagobertvs adhuc puer.

urn:nbn:de:hbz:466:1-9599

154 DE TRIBVS DAGOBERTIS
thanaci oppidi Tutelarem ab eo esse diuersum : ar-
gumenta, quæ in utramque partem afferuntur, pro-
ponemus.

I

Pater DAGOBERTI III Childebertus Rex. Huius
regnum annis XIII terminatum. Subrogatur
DAGOBERTVS adhuc puer.



Ortuo Chlodoueo III, filio Theoderici, adhuc par-
vulo, ac vitâ eius innocentia finita, Pippinus Regem
pro eo fratrem eius Childebertum constituit. Illis qui-
dem nomina Regum imponens, ipse totius regni ha-
bens priuilegium, cùm summâ gloriâ & honore tra-
ctabat. Ita auctor Annalium Metensium. Fauebat imperio
Pippini puerilis ætas & Chlodouci III, & posteà Childeber-
ti, quem eo iuniorem fuisse, etiam tradit monachus Egoli-
ensis in Vitâ Caroli Magni. Idem autem annus 1098
& Chlodoueo ultimus fuit & Childeberto primus: vti anni
Regum decessorum haecenüs indicati probant, ac mox an-
nus obitus Childeberti firmabit stabilitque.

Petaius par. 2 Rationarij temporum lib. 4 cap. 17, Bu-
cherius, aliisque, opponunt scriptum quoddam in fine Chro-
nici veteris Eusebiani, quod penes Bongarsum fuit, reper-
tum, in cuius paginâ primâ libri aduersâ post generalem
titulum ita legebatur: *In annum V Childeberti Regis Fran-
corum, Pippino iubente, ab Adam sunt anni V millia 1000.* Fuit
*Pascha X K. Aprilis. Ascensio Domini K. Madias per cyclum nu-
merum*

merum annorum CXL. Repetitio à capite cycli. Hæc ibi, aliâ manu extra ordinem grandibus & vncialibus litteris scripta exhibent Pontacus in Apparatu ad Chronicon Eusebij paginâ 27, & Iosephus Scaliger in Animaduersionibus in Chronologica Eusebij, vltimâ ante Indicem paginâ additque quemadmodum est alia manus ab eâ, quæ totum Chronicon scriptit, ita magnum esse inter uallum inter scriptionem Chronicis & huius Paschatis notationem. Circa quæ fatemur annum ibi notari 100-
xcix, periodi Victorianæ CXL, mundi creati secundum Eu-
sebium post quinque millia 10000, quo, cyclo solis VIII,
litterâ Dominicali E, cyclo etiam Lunæ XVI, Pascha cele-
bratum est XXIII Martij. His non obstantibus arbitramur a-
liquot post hunc annum seculis illud ab imperito Chrono-
grapho aut compositum fuisse, aut certè vitiosè descriptū,
à quo annus i Childeberti alibi lectus, in annum v commu-
tatur: quod facillimè potuit contingere, cùm ea, quæ in te-
& tam viam reducant aberrantem, neque antecedunt neque
sequuntur. Ceterū annum primum Childeberti repo-
nendum esse suadet ratio illa ab Adamo numerandi, illis
temporibus sub obitu vnius & initium regni alterius vſi-
tata. Ita à morte Sigeberti i Regis Austrasiorum annus pri-
mus regni Childeberti filij, itidem Regis Austrasiorum, ap-
positis ab Adamo annis, indicatur à Gregorio Turonensi
lib. 4 cap. 46, & Fredegario in Historiâ epitomatâ cap. 74.
Quidni illo exemplo proposito, huius Childeberti initium,
subductis etiam ab Adamo annis, fuerit illustratum? Imò
hæc verba, Pippino iubente, scilicet Regis facti, vti ex Annali-
bus Metensibus retulimus, primum fuisse regni annum in-
nuunt. Et hæc de schedâ illâ ab incognito auctore è triuio
aliquo desumptâ sufficiant, in gratiam illustrium scripto-
rum, qui inde sibi αλεξανδρειον sperarant, examinata.

In Chronicō MS. collegij Treuirensis Societatis Iesu auctore Saxone anonymo, hæc leguntur ad annum 1092, Iustiniani Imperatoris vi, *Chlodouenus filius Theoderici cum fratre Hildiberto regnare cœpit.* Potuit scripti Bongarsiani auctor regnum Childeberti cum fratre Chlodoueo regnantis cœpisse à morte Theoderici parentis, ac poste à perrexisse à morte Chlodouei fratris numerare annū v regni Childeberti, atq; ita nobiscum in annis Christi adiungendis necessariò consentiet. Eâ fortè ratione annos regni Childeberti numerant nonnulli septemdecim, qui à morte Chlodouei solum fuerunt tredecim. Wasseburgius lib. 2 Antiquitatum Gallo-Belgarum, in Agreberto xvii Episcopo Virdunensi, edidit partem testamenti Wolfandi, fundatoris celebris Abbatiae S. Michaëlis, cum hac clausulâ : *Facta est hæc donatio in ipso monasterio, multorum conuentu bonorum hominum, anno xv regni Domini nostri Childeberti Regis. Signum V Wolfandi, qui testamento donationis fieri rogauit. Ego V Wolfandis Abbatissa signo. Signum Aggrebardi Episcopi &c. Quæ si mendis typographicis carent, neque annus xv in locum xi aut xii irrepfit; annos illius cum fratre Chlodoueo regnantis numerari oportet. Nos cum reliquis auctoribus à Chlodouei fratris obitu eos inchoamus, quod hic monuisse sufficit.*

Auctor coœvus Historiæ iussu Childebrandi scriptæ apud Fredegarium cap. 104 hæc tradit. *Mortuus est his diebus Childebertus Rex, & sepultus Cauciaci in basilicā S. Stephani Martyris. Regnauit autem annos tredecim.* Eodem modo annos Childebertum tredecim regnasse, legitur in Chronicis Regum Francorum breuiter digestis, & ex MS. Tiliano tomo 1 Scriptorum historiæ Francorum à Chéfnao pag. 797 vulgatis, & sequitur Ado in Chronico. Hos autem tredecim annos numeramus ab obitu Chlodouei, siue ab anno 1098 ad

1091,

1000, quo Childebertum è vitâ deceſſisse referunt Annales Metenses, vti & Annales Franciæ breuiores ab aucto-ribus coœuis scripti, sub initium tomij II historiæ Franco-rum ab eodem Chesnæo editi: horum alij in monasterio S. Nazarij iuxta Rhenum scripti, & à Marquardo Frehero pri-mùm publicati sunt; alij ex peruetustis Codicibus MSS. Ioannis Tilij & Alexandri Petavij vulgati. Eodem anno obiisse Childeberitum nobiscum censem Bucherius, Petavius alijque haētenūs diſſidentes, ab anonymo fabulatore de Gestis Francorum (quem toties reiecerant) adiuti. Apud hunc *Chlodoueus III annos solūm regnauit duos, Childeber-tus xvii.* Verū illi, prioribus annis reiectis, posteriores al-legend, tamquām, vt in viam redirent, neceſſarios.

Quot annos Childebertus natus vitam finierit, incertum est. *Chlodoueus III parvulus Rex factus traditur, & puer mor-tuus.* Hoc Rege Childebertus frater iunior XIII solūm annis regnauit, sed ductā vxore, & relicto filio DAGOBERTO mor-tuus: quem alij etiam puerum, alij iuuenclum Regem, & paſſim omnes iuniorem DAGOBERTVM appellant. Historia iuſſu Childebrandi ſcripta hæc ſolūm habet: DAGOBERTVS filius eius ſedem regni patris ſui accepit. Annales Metenses: Post cuius, Childeberti, deceſſum Pippinus ſolitā pietate filium eius DAGOBERTVM in Regem ordinauit. Quæ in Genealogia Regum Francorum, vſque ad vunctionem Pippini Regis ex MS. Regis Britanniarum editâ, ita leguntur: *Childebertus verò mox ut migrauit ad Dominum, regnum eius fuſcepit filius eius adhuc puer.* Eadem verba repetuntur in libello vetuſti auctoris de Maioribus Domus regiæ. Et certè ætas Childeberti morientis persuadet hanc necdum maturam filij ætatem, quâ patri ſucceffit. Eadem infrā ſtabilientur.

Childebertus Rex Soleium, Hannoniæ vicum in pago Fanomartensi situm, dedit celebri prope Parisios monasterio S. Dionysij, diplomate *anno regni XII, die XI Martij, Christi 1000* signato: quod integrum vulgauit Dubletius in Antiquitatibus monasterij S. Dionysij pag. 688, & contrarium Miræus in Notitiâ Ecclesiarum Belgij cap. 12. Idem Rex Childebertus concessit Pippino Herstallio, de suo fisco & ex largitatis suæ munere, villam Eliste nuncupatam in loco Marithame, in pago Batuâ, uti testatur Carolus Martellus in diploma te à Wilhelmo Hedâ in Historiâ Ultraiectinâ relato, quo eadem villa donatur S. Willibrordo ab ipso Carolo Martello, cui genitor suus cùm eam villam iure hereditario in proprietatem concederet, prudenter commonistrat auctoritate Regis Childeberti de fisco regio fuisse sublatam, ut ansa cauillationis præcideretur iis, qui eam conuellere donationem vellent.

I I

*Suprema in Childeberti & Dagoberti regno
præfectura Pippini. Huic coniux Plectrudis,
num repudiata? Illius obitus.*

Erat Pippino, ut legitur in Historiâ iussu Childebrandi scripta cap. 100, uxor nobilis & prudentissima nomine Plichtrudis, genuitq; ex eâ filios duos: nomen senioris Drocus, nomen vero iunioris Grimoaldus. Et dein cap. 101 post indicatum principium regni Childeberti, additur: *Drocus vero à Pippino genitore eruditus, Ducatum Campanensem accepit, Grimoaldus iunior cum Childeberto Rege Maior-Domus Palatij super Francos electus*